

Forfatter: Helgesen, Poul

Titel: Udrag fra Chronicon Skibyense

Citation: Helgesen, Poul: "Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab", i Helgesen, Poul: *Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab*, 1932-1948, s. 138. Onlineudgave fra Arkiv for Dansk Litteratur: <https://tekster.kb.dk/catalog/adl-texts-helg06val2-shoot-idm140415584778000/facsimile.pdf> (tilgået 25. april 2024)

Anvendt udgave: *Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab*

illi consultissime negaretur, grauitur in quosdam est  
offensus. Auaricie morbo adeo executus erat, ut nec  
postulantis impudentiam animaduerneret, nec ne-  
gantium prudentiam iuste expenderet. Ab illo nam-  
que tempore cepit palam et Lutheranus et tyrannus 5  
fieri, quando iam tentabat non solum uiolare publica  
et longo usu confirmata iura, uerumetiam proprium  
iusiurandum, quo se obstrinxerat, non tantum ad  
conseruationem priuilegiorum ac libertatum ecclesie  
Roschildensis, sed etiam ad earundem defensionem 10  
aduersus quoscumque inuasores, quantumuis poten-  
tes et uiolentos, ne boni pastoris officium negligere  
uideretur. |

Hanc prudentissimam simul ac iustissimam <ter- 11<  
giuersationem> sic ultus est in totum capitulum Ros- 15  
childense. Occasione <namque> et pretextu defensionis  
cleri aduersus uiolentiam nobilium prophano-  
rum, ut occupauit ius totius cleri perpetuo possessum,  
accepta ab inquilinis eiusdem perpetua subiectionis  
obligatione, quo exemptos a iure priorum domi- 20  
norum semper haberet sibi obnoxios. Verum huius  
iuris occupatio (qua uisus <est> primo conatu tantum  
a singulis singulorum inquilinis vnam hanc tunc  
nam quesuisse) prestitit eidem magnam questus ma- 25  
teriam, quod postea, rebus semper in deterius uer-  
gentibus, manifestis argumentis compertum est. Nec  
potuit ab hac inuasionem ullis rationibus reuocari. Pul-  
satus primum instantissimis precibus, obtestatus de-  
inde de fide iurisiurandi palam prestiti, ac sigillo et  
propria manu signati, sollicitatus demum consiliis 30  
et hortatibus cognatorum et amicorum ac precipue  
fratris Eleri Rønnow, Domini Tuchonis Crabbe, et

19 D. Ioannis Wrnæ, <vt ceptis desisteret,> adeo | ad hec  
omnia obstupuit, ut factus ipsa impudentia impu-  
dentior, et ipsa insania insanior, omnino perduraret  
in sua sententia, nec unquam clerus tantam pertulit  
5 tyrannidem ab ullo prophano principe, quantam ab  
hoc personato et heretico pontifice. Huius tam uio-  
lente tyrannidis caussa, erat regni Danię interregnum  
in hoc etiam studio quorundam potentium proroga-  
tum, ut nullo rege iusto ultore existente, liberam  
10 exercebant impij tyrannidem. Quam ob caussam pre-  
stitisset iamdudum in Dania esse hereditatem non  
electionem, quando uidemus hereditatis regna sem-  
per esse florentissima, electionis uero miserrima et  
infelicissima, multorumque prede et tyrannidi sem-  
15 per exposita.

Hac vnica violentia, in qua se crudelissime ges-  
sit, adeo terruit uniuersum clerum, ut eidem postea  
quiduis petenti nihil vnquam negaretur. Nam mox  
obtenuit postulationem super arcem Haffnensem,  
20 pauloantea | negatam, eodem iure obtenturus Anglię  
aut Scotię regnum ab eisdem donatoribus, ipso po-  
stulatore stultioribus, quibus nec licebat iam pos-  
sessa ulli mortalium donare, nedum olim amissa,  
siue illa per vim fuerant occupata, siue iure permu-  
25 tationis alienata, nam de ea re uariabant multorum  
capita. Quod si arx Haffnensis ullo iure poterat ob-  
tineri ab iis, qui nunc possident, non minus perti-  
neret ad sedem Roschildensem, quam cetera eius-  
dem sedis arces perpetuo possesse.

30 Anno dominj .1533. in festo beati Martini, cele-  
bri magistratus regni conuentu Ottonie congregato,  
ac presentibus ibidem Caroli Cęsaris nuntiis, ictum